

Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja

fax: + 387 33 552 810

selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja

fax: + 387 33 552 810

dzenita@sogfbih.ba

Sadržaj biltena:

Općine Jajce i Dobretići i dalje bez općinskog javnog pravobranioca	1
Održan donatorski koordinacioni sastanak za projekte iz polja lokalne samouprave	1
Krugli stol: Prirodni resursi u općinama i elektronska razmjena podataka	2
Intervju: Načelnik Općine Prozor-Rama Jozo Ivančević	2
Gradonačelnici Mostara i Vukovara potpisali Sporazum o prijateljstvu i suradnji	4
Potpisan protokol o bratimljenju između Općine Doboj Istok i talijanske općine Bučine	5
Saradnja Općine Tešanj i Njemačke na podizanju energetske efikasnosti	6
Okončan projekat "Unapređenje upravljanja zaštićenim područjima u prekograničnoj regiji Srbija-BiH"	6
B.Krupa dobija toplanu na biomasu do kraja 2014.	7
Predstavnici Mostara i Trebinja u četverodnevnoj studijskoj posjeti Zadru	8
Općine Ljubuški i Sanski Most stvaraju povoljno poslovno okruženje	8
OSCE u saradnji sa Gradom Sarajevom otvorio prvi Aarhus centar u BiH	9
Općina Iliđa uvodi standard EN ISO 9001:2008	9

Bilten Saveza općina i gradova Federacije Bosne i Hercegovine

OPĆINE JAJCE I DOBRETIĆI I DALJE BEZ OPĆINSKOG JAVNOG PRAVOBRANIOCA

JAJCE, 04. juni/lipanj – Općine Jajce i Dobretići petu godinu su bez Općinskog javnog pravobranioca i Zamjenika općinskog javnog pravobranioca. Skupština SBK na svom zasjedanju od 21.05.2012. godine, po treći put, nije uspješno okončala proceduru i nije izvršila konačno imenovanje na ove pozicije.

U međuvremenu, shodno odredbama Zakona o javnom pravobranilaštvu SBK, općine Jajce i Dobretići provele su četiri puta postupke oglašavanja s ciljem popune pozicija Općinskog javnog pravobranioca i Zamjenika općinskog javnog pravobranioca. Prvi put konkurs za ove pozicije raspisan je 03.12.2008. godine. Drugi konkurs, koji je kasnije poništen, objavljen je 17.02.2010. godine. Treći put općine Jajce i Dobretići raspisale su konkurs za pravobranioca i zamjenika pravobranioca 16.02.2011. godine, a četvrti konkurs objavljen je 08.02.2012. godine. U tri navrata procedura iz nadležnosti općina uspješno je okončana i predmet poslan prema Skupštini SBK s ciljem konačnog imenovanja u skladu sa kantonalnim Zakonom o javnom pravobranilaštvu. I pored toga Kantonalna Skupština ni ovaj, treći put, nije dala saglasnost za imenovanje na poziciju pravobranioca i njegovog zamjenika za općine Jajce i Dobretići.

Podsjećamo da je od sredine 2007. godine mjesto Općinskog javnog pravobranioca upražnjeno, a bez Zamjenika općinskog javnog pravobranioca općine Jajce i Dobretići ostale su s kraja 2008. godine. Zbog nepopunjenosti pozicija u Općinskom javnom pravobranilaštvu, Općini Jajce i Općini Dobretići otežano je funkcionisanje, posebno u pogledu zastupanja općina pred sudovima i upravnim organima, naplate potraživanja sudskim putem, te zaštite imovinsko pravnih interesa općina. Usljed ovakve situacije obje općine trpe veliku materijalnu štetu.

Zbog nesprenosti Skupštine SBK za imenovanjem pravobranioca, Općina Jajce uputiće Ustavnom sudu FBiH zahtjev za zaštitu prava na lokalnu samupravu koja su ugrožena od strane Skupštine SBK i kod nadležnih institucija zatražiti obeštećenje zbog neodgovornog stava kantonalne Skupštine prema općinama Jajce i Dobretići.



ODRŽAN DONATORSKI KOORDINACIONI SASTANAK ZA PROJEKTE IZ POLJA LOKALNE SAMOUPRAVE



JAHORINA, 25. maj/svibanj – Donatorski koordinacioni sastanak za projekte iz polja lokalne samouprave, u organizaciji Saveza općina i gradova Federacije Bosne i Hercegovine (SOGFBiH) i Saveza opština i gradova Republike Srpske (SOGRS), održan je danas na Jahorini.

Prema riječima projekt menadžera u SOGFBiH Šejle Hasić, današnji sastanak dva saveza sa donatorskim organizacijama koje egzistiraju u BiH je od velike važnosti za budući razvoj lokalne samouprave.

Jedan od ciljeva sastanka je bio postizanje bolje koordinacije i rada sa predstavnicima međunarodne zajednice. SOGFBiH i SOGRS

su na sastanku predstavili donatorima strateške dokumente za period od 2011. do 2015. godine, koje su razvili kroz projekat "Jačanje kapaciteta saveza opština i gradova" (CDMA).

"Konkretno strateški planovi SOGFBiH za naredni period su postati još aktivniji i uticajniji učesnik u reformama vezanim za unapređenje lokalne samouprave, te biti čvorište saradnje članica, zatim međunarodne saradnje, te aditi na aktivnostima vezanim za evropske integracije", rekla je, između ostalog, Š. Hasić project manager u SOGFBiH.

Ilidža prezentirala rezultate ostvarene u saradnji sa GAP-om	9
Treća godina provođenja projekta sterilizacije i kastracije pasa na području općine N.Sarajevo	10
Potpisan ugovor za izradu baze podataka katastra nekretnina Općine Bužim	10
U Cazinu počinje izgradnja kanalizacionog sistema	11
Biciklijada dolinom nacionalnog parka Una	11
Najava obilježavanja dana općina i bitnih datuma za Savez	11

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.chc-bih-mne.org
www.srb-bih.org
www.chc-cro-bih.net
www.programmemed.eu
www.tacso.org
www.euroinfoceantar.ba
www.balkanfund.org
www.eurelmed.com
www.eacea.ec.europa.eu



Ilidža

Projekt menadžer VNG International Ćamil Osmanagić naglasio je da je glavni fokus SOGFBiH prezentovanje uspostavljenog Centra za edukaciju i dijalog sa donatorima.

"Od donatora zahtijevamo da daju određenu podršku u izgradnji infrastrukture tog centra. Centar bi u budućnosti trebao predstavljati centralno mjesto za edukaciju civilnih službenika, općinskih službenika, kao i svih drugih zainteresovanih", kazao je Osmanagić.

Na današnjem donatorskom koordinacionom sastanku za projekte iz polja lokalne samouprave kao potencijalni donatori, između ostalih, učestvovali su predstavnici VNG Internacional, Američke agencije za međunarodni razvoj (USAID), Švedske međunarodne agencije za razvojnu saradnju (SIDA), Njemačke organizacije za razvojnu saradnju (GIZ), Delegacije Evropske unije (EU) i Razvojnog programa Ujedinjenih nacija (UNDP).

OKRUGLI STO O TEMI "PRIRODNI RESURSI U OPĆINAMA I ELEKTRONSKA RAZMJENA PODATAKA (MATIČNIH KNJIGA)"

SARAJEVO, 6. juni/lipanj – Savez općina i gradova Federacije Bosne i Hercegovine i Savez opština i gradova Republike Srpske u saradnji sa Projektom upravne odgovornosti GAP danas su na Ilidži, u hotelu Hercegovina održali okrugli sto o temi "Prirodni resursi u općinama i elektronska razmjena podataka (matičnih knjiga)". Prema riječima savjetnika u Projektu GAP Slaviše Šućura, cilj okruglog stola je da načelnici općina razmijene mišljenja i iskustva o pomenutim temama, te dođu do zajedničkih stavova.

"Od velikog broja tema koje su bile ponuđene za održavanje okruglog stola načelnici su izabrali teme iz oblasti prirodnih resursa u općinama i elektronsku razmjenu podataka, a sve u cilju poboljšanja postojeće međusobne saradnje", izjavio je Šućur za Agenciju ONASA.

Jedan od uvodničara na okruglom stolu bio je direktor Agencije za identifikacione dokumente, evidenciju i razmjenu podataka BiH IDDEEA Siniša Macan koji je naglasio da je neophodno da se uvežu matični uredi općine kako bi se pružila bolja i efikasnija usluga građanima u kontekstu sigurnosti dokumenata.

"Jedan od uslova za ostanak BiH na Šengenskoj listi jeste da RS i FBiH u okviru svojih nadležnosti pripreme zakonsku legislativu za digitalno uvezivanje. Zakoni u oba entiteta su završeni, pa je neophodno do kraja godine implementirati projekat", rekao je Macan.

Viši stručni saradnik za rad sa skupštinskim komisijama i institucijama vlasti u Savez općina i gradova FBiH Zlata Turkić podsjetila je da su dva saveza zajedno sa Projektom GAP u više navrata radili na jačanju zajedničkog nastupa općina i gradova u BiH.

"Zajednički cilj je unapređenje pozicija jedinica lokalne samouprave i stvaranje uslova za kvalitetnije pružanje usluga građanima. Kroz dugogodišnji zajednički rad nastojali smo jedinice lokalne samouprave uključiti u zanačajan dio reformi u BiH uzimajući u obzir njihove potrebe i prava, a čiji bi rezultat dodatno poboljšao položaj lokalne samouprave", kazala je Turkić.



INTERVJU: NAČELNIK OPĆINE PROZOR-RAMA, JOZO IVANČEVIĆ

Razgovarao Ivan Tučić

U intervjuu za Prometej.ba načelnik općine Prozor-Rama Jozo Ivančević govori o trenutnoj gospodarskoj situaciji u općini, planovima za otvaranje novih radnih mjesta, stanju u proračunu, zatim o projektima vezanim za turizam na Ramskom jezeru, stanju u šumama na području općine....

Ove su godine u Prozoru-Rami otvorena prva poslijeratna proizvodna radna mjesta. Koliko bi ukupno radnika trebalo raditi u tekstilnoj tvornici „Rama-tex“ i kolika će biti prosječna plaća?

Savez / Zajedno za uređenu i razvijenu lokalnu samoupravu

Krajem prošle godine ostvarili smo kontakte s firmom Hrastovčanka iz Garešnice (RH) i vlasnikom Dragom Čuljatom. Predstavili smo općinski Program poticaja za zapošljavanje i predložili otvaranje pogona za proizvodnju tekstilnih proizvoda u našoj općini. Nakon samo tri mjeseca uspjeli smo dogovoriti sve detalje s investitorom i zajednički smo dana 14.04.2012. otvorili proizvodni pogon u mjestu Gračac, koji treba zapošljavati najmanje 100 radnika iz naše općine na rok od najmanje 8 godina. Utemeljeno je gospodarsko društvo „Rama tex“ Prozor -Rama. Danas je ta firma u jednoj stabilnoj fazi, do sada je u radnom odnosu 75 djelatnika, a puno zapošljavanje očekuje se već u jesen ove godine. Pratimo poslovne aktivnosti ove tvrtke i znamo da upravo sada rade već treću pošiljku tekstilnih proizvoda za kupca u Njemačkoj. Plaće djelatnika bit će u skladu sa plaćama u tom sektoru i u skladu sa postignutim rezultatima svakog djelatnika, znamo da sve je normirano i plaće će biti po učinku.

Budući da Općina izdvađa velike poticaje prilikom zapošljavanja, možemo li očekivati otvaranje novih radnih mjesta?

Općina Prozor – Rama jedna je od rijetkih općina koje imaju mogućnost poticanja zapošljavanja. Prilikom donošenja Programa, krajem 2009. godine, očekivali smo veću inicijativu lokalnih, ramskih poduzetnika i poslovnih ljudi iz ramskog iseljništva. Nažalost, odziv ovih naših poduzetnika nije bio velik, radilo se uglavnom o manjim projektima koji nisu obećavali veće zapošljavanje, pa smo svoju inicijativu traženja investitora proširili izvan općine. Danas možemo reći da smo potpomogli zapošljavanje oko 70 osoba kod poslodavaca iz naše općine i stotinu osoba kod Rama- tex-a, ali svi uposleni za koje dajemo poticaje su iz naše Općine. Imamo i dalje dosta kontakta sa poslodavcima koji najavljuju nove investicije. Imamo kod sebe sada nekoliko zahtjeva koji su u obradi, a posebno nas raduju inicijative za dva mala proizvodna pogona koji su nam najavljeni za ovu godinu. Dakle, zapošljavanje se pokrenulo, bit će još radnih mjesta, uspjeli smo iz nedavne situacije velikog „izvoznika“ opljačkanih strojeva iz naših tvornica prerasti u općinu u koju dolaze novi strojevi i otvaraju se novi pogoni.

Proračun naše općine razmjerno je visok u odnosu na broj stanovnika. Mnogi Vam zadnjih dana i mjeseci prigovaraju da se novci netransparentno troše. Kako tumačite te optužbe?

Općinski proračun je obilježen jednim deficitom koji je nastao krajem prošle godine kada se smanjio priliv sredstava iz obeštećenja, pa nismo bili u mogućnosti platiti obveze za kapitalne projekte vezane za izgradnje putova i vode. Također je i dosadašnji proračunski priliv u tekućoj godini znatno manji od plana jer je hidrološka situacija i dalje negativna. Stoga pripremamo kratkoročno zaduženje općine kojim ćemo premostiti trenutnu situaciju i izmiriti tekući deficit, a novac vratiti do kraja tekuće godine. Kamate na ovo zaduženje će biti oko 18.000,00 KM, i bit će plaćene iz sredstava rezerve. Smatramo da na ovaj način pokazujemo odgovornost i spremnost da blagovremeno izmirujemo obveze. Znamo da bi se neki zlobnici radovali kašnjenju plaća i naknada proračunskih korisnika, ili pak tužbama izvođača radova, ili obustavi pružanja usluga, ali ni ovaj put im tu radost nećemo priuštiti. Dakle, priliv sredstava u proračun je nedovoljan da izmirimo sve obveze, kratkoročnom pozajmicom rješavamo situaciju, sve se odvija sukladno zakonu i prihvaćeno je od Općinskog vijeća Prozor – Rama.

Za nepune četiri godine, otkad ste na vlasti, na području općine realizirani su mnogi projekti od vitalne važnosti za općinu, poput izgradnje i temeljite rekonstrukcije putova i izgradnje vodovoda u Gornjoj Rami. Je li se moglo uraditi više?

Naravno da se uvijek može bolje i više. Moglo je se puno više najprije na poboljšanju međusobnih odnosa među predstavnicima političkih stranaka, najprije onih koji participiraju u radu općinskog vijeća. Nažalost nekada je taj dijalog bio gotovo nemoguć i samim tim slali smo javnosti lošu sliku o nama svima. Vjerujem da je to jedan od razloga zašto nismo ostvarili još više i bolje rezultate. U zadnje četiri godine urađeno je mnogo, mogu slobodno reći puno više nego za deset godina prošle vlasti. Pokrenuti su mnogi značajni projekti od izgradnje Staračkog doma na Šćitu, mnogih infrastrukturnih projekata do izrade Prostornog i Regulacijskog plana grada Prozora. Sve su to temeljni dokumenti koje nismo nikada imali, a trebali smo imati. Najvažnija ipak stavka je zapošljavanje, koje je krenulo i kojim smo pokazali da se i u Rami može pokrenuti proizvodnja, jer to proizvode vrijedni i ponosni ljudi ovog kraja. Ipak, ono na što sam najviše ponosan jest povećanje naknade obeštećenje od Ramskog jezera za Proračun naše Općine, što se pokazalo jednim od najznačajnijih poteza u zadnjih 20 godina ako ne i više. Kada smo to lobirali i kada smo izglasavali zakon kojim smo to postigli mnogi su u našoj općini bili protiv toga, a danas se kunu u ljubav prema svome zavičaju i njegovim ljudima.

Općina Prozor-Rama i grad Vrlika dobili su nepovratna sredstva iz EU-ovog programa IPA za međunarodnu suradnju između Bosne i Hercegovine i Hrvatske. Dogovoreni su i neki zajednički projekti s općinom Sinj. Što konkretno građani naše općine mogu očekivati od projekata koje ste sklopili?



Jozo Ivančević, načelnik Općine
Prozor-Rama

*ono na što sam najviše
ponosan jest povećanje
naknade obeštećenje od
Ramskog jezera za
Proračun naše Općine, što
se pokazalo jednim od
najznačajnijih poteza u
zadnjih 20 godina ako ne i
više.*



Grb Općine Prozor-Rama



Ramsko jezero

Odličan projekt za razvoj turizma i veslačkog sporta na Ramskom jezeru. Projekt koji će pokrenuti mnoge druge značajne projekte kao što su izgradnja jednog sportsko-rekreacijskog centra, kojim ćemo moći konkurirati i biti odlični za pripreme sportaša iz drugih krajeva naše zemlje i inozemstva. Projekt je to koji povezuje Ramsko i Vrljičko jezero, Ramu i Vrljiku, Ramljake i Vrljčane. Projekt je to koji je već sada donio koristi objema stranama i stoga već sada možemo govoriti kako su to naši prijatelji iz Vrljike. Konkretno ovim projektom općina Prozor-Rama dobila je 268.000 eura nepovratnih sredstava od Europske unije, te će općina Prozor-Rama učestvovati s dodatnih 90.000 eura. Planira se izgradnja pristupnih putova, pokretnih plaža i pontona, izgradnja staze za natjecanja kao i izgradnja hangara za čuvanje čamaca i veslačke opreme. Što se pak tiče Sinja, mislim da je ogromna greška i propust zašto već ranije nismo postali gradovi prijatelji, jer mi to i jesmo. I dok su naši Franjevački samostani surađivali i bili bratski povezani, naše općinske i gradske administracije nisu. Stoga smo ove godine pokrenuli zajedničku inicijativu da postanemo gradovi prijatelji. Mi smo na Općinskom vijeću donijeli Odluku, to uskoro očekujemo i od Sinja, te ćemo u narednom periodu pristupiti potpisivanju povelje o prijateljstvu. Mislimo da će to donijeti dosta kulturnog i duhovnog dobra svima, te da ćemo se još više povezati na obostrano zadovoljstvo svih, a napose vjerujem naših vjernika koji posjećuju oba Gospina svetišta, kako na Šćitu tako i u Sinju.

Svjedoci smo katastrofalne situacije u šumama na našoj općini, većina ih je potpuno uništena a nitko za to nije snosio nikakve sankcije? Jeste li Vi kao načelnik mogli nešto učiniti?

To je skandalozno i nevjerovatno. Dovoljno je da kažem kako mi u Federaciji BiH trenutno nemamo zakon o šumama i njihovom gospodarenju. Ipak, i pored te činjenice, ostaje vidljivo kako je najgora situacija ipak u Hercegovačko-neretvanskoj županiji, u kojoj trenutno nitko živ ne zna ni koliko Javnih poduzeća ima, te tko ima ovlasti i tko je u pravu. Imate društva u kojem radnici 45 plaća nisu dobili, a u međuvremenu se prave nova poduzeća, bez ikakve vizije i ikakvog smisla, koji se financiraju sredstvima koja se nikako ne bi smjela trošiti za plaće. Imate situaciju u kojoj se općinsku vlast ništa ne pita, i to traje godinama. Sve je centralizirano, ovlasti su pokupile županije i Federacija, a općine se doslovno preskočilo u svemu. To je tragedija i to je nedopustivo, te smo mi općine pokrenule preko Saveza gradova i općina inicijativu donošenja novog Zakona koji bi bio prihvatljiv i lokalnim zajednicama.

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfocenter.ba
www.balkanfund.org
www.eurelmed.com
www.eacea.ec.europa.eu

GRADONAČELNICI MOSTARA I VUKOVARA POTPISALI SPORAZUM O PRIJATELJSTVU I SURADNJI

Gradonačelnik Grada Mostara Ljubo Bešlić i gradonačelnik Grada Vukovara Željko Sabo 25. svibnja/maja 2012. godine u Mostaru potpisali su Sporazum o prijateljstvu i suradnji. Na svečanosti potpisivanja u Gradskoj vijećnici Mostara uz gradonačelnike Bešlića i Saboa nazočili su i **Mile Ivković** – dopredsjednik Gradskoga vijeća Grada Vukovara, **Robert Rapan** – član Odbora za međugradsku i međunarodnu suradnju Gradskog vijeća Vukovara, **Dražen Čulig** – savjetnik za graditeljstvo i komunalnu infrastrukturu u Gradu Vukovaru, te predsjednik Gradskog vijeća Mostara – **Murat Čorić**, dopredsjednik i dopredsjednica **Danijel Vidović** i **Slađana Gotovac**, glavna savjetnica **Radmila Komadina** – te glavna tajnica Sportskog saveza Grada Mostar – **Mirjana Bošnjak**.

Gradonačelnik Vukovara je zahvalio na sudjelovanju Grada Mostara u akciji „Solidarnost za Vukovar“ financiranjem obnove Mostarske i Hercegovačke ulice u Vukovaru sa tri stotine tisuća kuna, koje su gradonačelnici Bešlić i Sabo zvanično otvorili 1. listopada/oktobra 2011. godine. U izjavi za novinare dva gradonačelnika izrazili su zadovoljstvo ovim činom koji predstavlja krunu dosadašnjih odnosa, odnosno da se ta suradnja pretočila u sporazum koji će omogućiti suradnju na konkretnim projektima s obzirom da će Hrvatska uskoro postati članica Europske unije, a što će otvoriti mogućnost zajedničkog sudjelovanja i fondovima prekogranične suradnje. Ovom prigodom dogovorena je posjeta sportaša Grada Vukovara Mostaru već idućeg mjeseca, te odlazak učenika Ekonomske škole iz Mostara u posjetu Vukovaru na poziv gradonačelnika Saboa. Nakon svečanog potpisivanja sporazuma delegacije Mostara i Vukovara priključile su se sudionicima 12. Regionalne konferencije gradova sa svjetskom baštinom, koja se održavala u Mostaru.



Grb Grada Mostara



Grb Grada Vukovara

Savez / Zajedno za uređenu i razvijenu lokalnu samoupravu



Tekst potpisanog Sporazuma

Sukladno činjenicama da između Grada Mostara i Grada Vukovara, Jedinica lokalne samouprave dviju susjednih država, postoji obostrani interes za razvijanje kulturnih, privrednih i drugih odnosa, da će daljnji kontakti Grada Mostara i Grada Vukovara doprinijeti učvršćivanju i proširivanju prijateljskih odnosa među različitim partnerima u obje Jedinice lokalne samouprave i time potaknuti širenje prijateljskih veza među njihovim stanovnicima, da u aktuelnom vremenu Jedinice lokalne samouprave predstavljaju ključnu sponu u procesu razvoja regija i država te značajan subjekt međunarodnih odnosa, zaključuje se

SPORAZUM O PRIJATELJSTVU I SURADNJI IZMEĐU

GRADA MOSTARA U BOSNI I HERCEGOVINI I GRADA VUKOVARA U REPUBLICI HRVATSKOJ

Zalagat ćemo se za daljnje jačanje prijateljstva i unapređivanje međusobne suradnje na svim područjima od interesa za građane Grada Mostara i Grada Vukovara.

Razmjenjivati ćemo informacije i iskustva na područjima djelovanja u okviru nadležnosti Jedinica lokalne samouprave: lokalna samouprava, kultura, obrazovanje, nauka i istraživanje, informatika, turizam, pitanja mladih, zdravstvo i socijalna politika, gradske javne službe, zaštita i očuvanje kulturnog naslijeđa, zaštita okoline, strategija razvoja malih i srednjih preduzeća, sport i druga područja od međusobnog interesa.

Suradivati ćemo i razmjenjivati iskustva na nivou Gradskog vijeća Grada Vukovara i Grada Mostara, gradonačelnika i Upravnih tijela na svim područjima djelovanja, u obje Jedinice lokalne samouprave.

U okviru svojih mogućnosti i nadležnosti podržavati ćemo aktivnosti poslovnih subjekata u Jedinicama lokalne samouprave s ciljem razvitka turističke, poduzetničke, trgovinske i sajamske suradnje.

Izražavamo želju da poticanjem suradnje i međusobnih prijateljskih veza doprinesemo osiguranju i očuvanju mira i suradnje u regiji te će se, u tu svrhu, razmjenjivati informacije i usklađivati aktivnosti na širem međunarodnom nivou.

Ovaj Sporazum se sklapa na neodređeno vrijeme i stupa na snagu danom njegovog potpisivanja, a na toj osnovi, svake godine će se određivati programi konkretnih aktivnosti između Jedinica lokalne samouprave.

Ovaj sporazum sastavljen je na hrvatskom, bosanskom i srpskom jeziku, a sve tri verzije su vjerodostojne.



POTPISAN PROTOKOL O BRATIMLJENJU OPĆINE DOBOJ ISTOK I TALIJANSKE OPĆINE BUČINE

21. maj/svibanj – Općina Doboj Istok i Općina Bučine iz Italije, provincija Arezzo, regija Toscana danas su potpisale protokol o bratimljenju što je još jedan korak u uspješnoj saradnji ove dvije lokalne zajednice. U ime općine Bučine, protokol je potpisao



gradonačelnik Sauro Testi, a u ime Općine Doboj Istok načelnik Mehmed Mehinović. U sklopu bilateralnog dijela projekta „Pet Roboris“ bit će potpisani protokoli o bratimljenju između pet općina iz sliva rijeke Spreče (Doboj, Doboj Istok, Gračanica, Lukavac i Petrovo) sa pet općina iz sliva rijeke Arno (Bučine, Covigla, Pian di Scopergine, Laterina, Pergine). Bratimljenje bosanskohercegovačkih i talijanskih općina podržala je i europska organizacija lokalnih samouprava. Bratimljenju općina prethodila je dugogodišnja saradnja u oblasti civilne zaštite, ali i zajednički problem vezan za regulaciju korita rijeke Spreče i Arne. Naime, zahvaljujući iskustvima i efikasnosti u rješavanju problema vezanih za plavljenje obala Arne, općine u regiji Arezzo su postale prepoznatljive u pronalaženju rješenja za ovakve kompleksne probleme. Općine u slivu rijeke Spreče bile su idealni kandidati ne samo za uspostavljanje prijateljskih odnosa, nego i za implementaciju pilot projekta „Pet Roboris“ zahvaljujući kojem je do sada realiziran veliki broj aktivnosti. Projekt je započeo 2007. godine, a obuhvatao je aktivnosti vezane za deminiranje, obuku civilne zaštite i nabavku neophodne tehničke opreme. U narednom periodu očekuje se nastavak saradnje na obostrano zadovoljstvo.

Bratimljenju općina prethodila je dugogodišnja saradnja u oblasti civilne zaštite, ali i zajednički problem vezan za regulaciju korita rijeke Spreče i Arne.



Grb Općine Doboj Istok



Grb Općine Tešanj

**KORISNI LINKOVI ZA PREDPRISTUPNE
FONDOVE EU:**

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocenter.ba
www.balkanfund.org
www.eurelmed.com
www.eacea.ec.europa.eu

Njegovu provedbu finansirala je Evropska unija sredstvima u iznosu od 218.592 eura, s tim da je realizaciju projekta u BiH sufinansiralo Ministarstvo prostornog uređenja i zaštite okoliša KS sa 15.000 eura.



Zaštićeni pejzaž Bijambare

SARADNJA OPĆINE TEŠANJ I NJEMAČKE NA PODIZANJU ENERGETSKE EFIKASNOSTI

Delegacija općina iz BiH koje učestvuju u projektu EU-DELTER posjetila je protekle sedmice (20 – 25.05.2012.) Metropolitansku oblast Rhein-Neckar u Njemačkoj. Ova oblast je jedna od najindustrijalizovanih i najnaprednijih oblasti u Njemačkoj.

Cilj studijske posjete je bilo upoznavanje sa primjerima dobre prakse u primjeni modela energetske efikasnosti i korištenju obnovljivih izvora energije. U sastavu delegacije iz BiH bio je i Ismar Alagić, savjetnik općinskog načelnika za pristup EU-fondovima i koordinator DELTER projekta u općini Tešanj.

Iz Općine Tešanj ističu da je od strane DELTER projekta Tešanj odabran kao jedana od devet najuspješnijih općina u BiH gdje će se implementirati pilot-projekti unapređenja energetske efikasnosti. Na zgradi Općine Tešanj biće u potpunosti zamijenjena građevinska stolarija i uspostavljen sistem praćenja utroška toplotne energije. Također, biće edukovan općinski tim za energetske inspeksijske preglede i uspostavljen sistem promocije energetske efikasnosti uz podršku donošenju zakonskih propisa koji regulišu područje energetske efikasnosti i korištenja obnovljivih izvora energije u BiH.

Ismar Alagić je tokom boravka u Njemačkoj posjetio brojne institucije u Mannheimu, Heidelbergu, Lampertheimu i Burstadu, kao primjere dobrih praksi iz energetske efikasnosti. Kontakti koji su ostvareni u ovim gradskim upravama u narednom periodu trebali bi da rezultiraju konkretnom saradnjom sa općinom Tešanj na projektima od zajedničkog interesa.

Posebno je istaknut interes općine Tešanj da sarađuje na projektima iz područja korištenja obnovljivih izvora energije i razvoja centralnog sistema daljinskog grijanja u urbanim područjima općine Tešanj. Put za realizaciju ovog projekta tražit će se kroz fondove EU i modele javno-privatnog partnerstva. Domaćini iz Njemačke su ponudili pomoć na projektima podizanja energetske efikasnosti u općine Tešanj tokom narednog perioda.



Ismar Alagić u posjeti Heidelbergu

OKONČAN PROJEKAT „UNAPREĐENJE UPRAVLJANJA ZAŠTIĆENIM PODRUČJIMA U PREKOGRANIČNOJ REGIJI SRBIJA-BIH“

SARAJEVO, 31. maj/svibanj – Nevladine organizacije Fondacija lokalne demokratije iz Sarajeva i Pokret gorana Sremske Mitrovice, u čijem je fokusu zaštita životne sredine, prezentirale su danas rezultate projekta „Unapređenje upravljanja zaštićenim područjima u prekograničnoj regiji Srbija-BiH“, koji su proteklih 18 mjeseci implementirale na području 27 općina iz BiH i Srbije, saopštila je Pres služba Kantona Sarajevo.

Cilj projekta bio je jačanje uloge civilnog društva u integriranom upravljanju i razvoju ekoturizma u zaštićenim prirodnim područjima BiH i Srbije, kao način za lokalni i regionalni održivi ekonomski razvoj.

Njegovu provedbu finansirala je Evropska unija sredstvima u iznosu od 218.592 eura, s tim da je realizaciju projekta u BiH sufinansiralo Ministarstvo prostornog uređenja i zaštite okoliša KS sa 15.000 eura.

U BiH je zaštićeno svega 0,5 % teritorije i to zahvaljujući uglavnom aktivnostima na zaštiti prirodnih područja u KS, dok je u Srbiji zaštićeno 5 % teritorije, kazala je projekt menadžerica Fondacije lokalne demokratije Amra Hadžić, naglašavajući da ova činjenica, da BiH i Srbija imaju malo zaštićenog prirodnog područja, je jedan od povoda za implementaciju projekta.


Zbog toga je u okviru ovog projekta urađen set opsežnih dokumenata sa analizom postojećeg stanja u oblasti zaštite i upravljanja zaštićenim područjima u BiH i Srbiji, kao i smjenicama za

fondacija
lokalne
demokratije

integrirano upravljanje prirodnim resursima i razvoj ekoturizma u ovim područjima.



Savez / Zajedno za uređenu i razvijenu lokalnu samoupravu



Takođe, izrađen je Akcioni plan jačanja uloge nevladinog sektora u integrisanom upravljanju i razvoju eko-turizma u zaštićenim područjima prekogranične regije BiH- Srbija.

U Kantonu Sarajevo, u posljednjih 10 godina zaštićeno je oko 2,5 % ukupne teritorije, te proglašena tri zaštićena područja i to Spomenik prirode Skakavac, Zaštićeni pejzaž Bijambare i Spomenik prirode Vrelo Bosne, a u toku su procedure za proglašenje zaštićenim područjima pejzaža Bendbaša i Trebević, čime će se značajno povećati procent ukupnog zaštićenog područja BiH, izjavila je Zijada Krvavac pomoćnica ministra za zaštitu okoliša KS.

Naglasila je da je u okviru realizacije ovog projekta u fokusu bilo zaštićeno područje Bijambara, na kojem se nalazi kompleks neiskorištenih vojnih objekata koje KS planira pretvoriti u edukacijski kamp, koji bi, između ostalog, poslužio i kao mjesto organizacije različitih edukativnih ekoloških skupova.

Z. Krvavac kazala je da je primjer kvalitetnog i upješnog upravljanja zaštićenim prirodnim područjima nevladinih organizacija Specijalni rezervat prirode "Zasavica" iz Srbije, kojim upravlja Pokret gorana iz Sremske Mitrovice, kao i da bi u bh. zakonodavstvu trebalo predvidjeti mogućnost da nevladine organizacije upravljaju nekim od zaštićenih područja. Po važećem Zakonu o zaštiti prirode u BiH to mogu obavljati samo javne ustanove.



Spomenik prirode Vrelo Bosne

BOSANSKA KRUPA DOBIJA TOPLANU NA BIOMASU DO KRAJA 2014. GODINE

BOSANSKA KRUPA, 01. juni/lipanj –

Predstavnici kompanije MVM OVIT Zrt. iz Mađarske, predvođeni s inženjermom Kotnyekom Jozsefom boravili su danas u Bosanskoj Krupi. Povod dolaska je jasna i ozbiljna namjera da se u Bosanskoj Krupi uskoro počne graditi toplana na biomasu.

U prvoj polovini prošlog mjeseca, načelnik Halitović je sa saradnicima posjetio Komlo u Mađarskoj gdje su u prisustvu direktora konsultantske firme za Bosnu i Hercegovinu Polimac Company d.o.o. Sarajevo, Mehmeda Polimca, razgovarali o aktivnostima koje je potrebno provesti da bi se krenulo u izgradnju toplane na području općine Bosanska Krupa.



Nakon konstruktivnih razgovora i dogovora potpisano je Pismo namjere između Općine Bosanska Krupa i firme MVM OVIT Zrt., kojim su se stekli uslovi za početak priprema na realizaciji projekta. Danas su namjere za izgradnju toplane postale još ozbiljnije.

Obaveza Općine nakon potpisivanja Pisma namjere bila je da uradi anketu među stanovnicima i privrednicima o zainteresiranosti priključka na toplovod, što se trenutno i radi. Taj posao će biti završen do 15. juna/lipnja. Na osnovu dosadašnjih rezultata ankete, više od 85% građana obuhvaćenih anketom su zainteresirani.

Mađarski stručnjaci su s općinskom delegacijom obišli potencijalne lokacije za izgradnju toplane i snimili stanje. Trebalo je barem otprilike utvrditi koliki je kapacitet potreban da bi se sa toplane snabdijevala cijela općina. Područje na kojem će se graditi utvrdit će se kasnije putem feasibility (fizibiliti) studije, tj. studije izvodljivosti, nakon koje će se uraditi idejni, te u konačnici glavni projekt čime bi se ustvari opravdala cjelokupna investicija.

„Mi ćemo našim partnerima u narednom periodu dostaviti sve potrebne informacije, od samog broja domaćinstava, privrednih objekata, javnih institucija koje će biti korisnici toplane u Bosanskoj Krupi itd. Vjerujem da će ova intenzivna dinamika koja je uspostavljena vrlo brzo dati konkretne rezultate. Prvi rezultati ankete su zaista pozitivni, ohrabrujući. Većina stanovnika Bosanske Krupe i Bosanske Otoke su dali pozitivne odgovore, mislim da će se taj trend zadržati do kraja i da ćemo na kraju posao završiti na zadovoljstvo svih građana naše općine. Postoji za sada nekoliko lokacija na kojima bi se mogla graditi toplana, područje Vranjske, Poslovna zona Pilana, Krupljanima poznato područje bivšeg „Vatrenog mlina“. O lokaciji, dakle, sada ne možemo sa sigurnošću govoriti, sve će pokazati feasibility studija“, ističe načelnik Armin Halitović. Ogroman je značaj izgradnje toplane. Prema riječima stručnjaka, to je način na koji će se smanjiti troškovi za grijanje u domaćinstvima, ali i raditi na očuvanju životne sredine u smislu smanjenja štetnih gasova, te obogaćivanju šuma.

Predviđanja su da bi se projekt izgradnje toplane na biomasu u Bosanskoj Krupi, ukoliko sve bude išlo prema zamišljenom planu, trebao početi realizirati u oktobru/listopadu 2014. godine.



Grb Općine Bosanska Krupa

Prema riječima stručnjaka, to je način na koji će se smanjiti troškovi za grijanje u domaćinstvima, ali i raditi na očuvanju životne sredine u smislu smanjenja štetnih gasova, te obogaćivanju šuma.





PREDSTAVNICI MOSTARA I TREBINJA U ČETVERODNEVNOJ STUDIJSKOJ POSJETI ZADRU

22. maj/svibanj – Beacon koordinatori iz grada Mostara, općine Trebinje, kao nosioci Beacon statusa iz oblasti "Kulturno nasljeđe u funkciji razvoja turizma i promocije lokalne zajednice", te članovi Sekretarijata Beacon Sheme posjetili su gradove Zadar i Nin u Hrvatskoj. Tom prilikom, naši predstavnici su imali priliku upoznati se sa funkcionisanjem turističkih zajednica u ova dva grada. Razgovarali su sa predstavnicima turističkih zajednica grada Zadra i Nin-a, Nacionalnog parka Paklenica, Muzeja stakla u Zadru, Tvornice soli u Nin-u te obišli mnogobrojne druge objekte važne za razvoj turizma i kulture. U isto vrijeme domaćine su upoznali sa programom Beacon Sheme u Bosni i Hercegovini i dobrim praksama za koje su naše općine dobile prestižni Beacon status.



Mostar i Trebinje su na svečanoj ceremoniji održanoj 18. maja/svibnja 2012. godine u Brčko Distriktu ponijele status Beacon na temu "Kulturno nasljeđe u funkciji razvoja turizma i promocije lokalne zajednice". Program Beacon Shema je prepoznata od UNDP-a, koji je kroz svoj program MDGF Program za kulturu, odlučio da ga podrži kroz organizaciju studijske posjete u cilju razmjene znanja i iskustava naših i hrvatskih gradova.

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.chc-bih-mne.org
www.srb-bih.org
www.chc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Izabrane općine su dužne u roku od 18 mjeseci ispuniti 12 kriterija koji su vrlo detaljno razrađeni i koji idu od sistema izdavanja građevinskih dozvola, kvaliteta i dostupnosti informacija, ... do upravlja kreditnim potencijalom.

OPĆINE LJUBUŠKI I SANSKI MOST STVARAJU POVOLJNIJE POSLOVNO OKRUŽENJE



NALED

Nacionalna alijansa
za lokalni ekonomski
razvoj

www.naled-serbia.org

Četiri općine u BiH odlučile su se da idu u proces poboljšanja poslovnog okruženja kako bi dobile međunarodni pečat kvaliteta. Radi se o općinama Ljubuški i Sanski Most iz Federacije Bosne i Hercegovine i općini Prijedor i gradu Banja Luka iz RS-a. Ove aktivnosti se provode u sklopu pilot projekta "Certifikacija povoljnog poslovnog okruženja u jugoistočnoj Europi - međunarodni pečat kvaliteta za općine s povoljnim okruženjem za poslovanje".

Srbijanska Nacionalna alijansa za lokalni ekonomski razvoj NALED (poslovna asocijacija sastavljena od privatnog, javnog i civilnog

sektora) od 2007. godine vodi ovaj proces u Srbiji. Kao rezultat ove inicijative, do sada je u toj zemlji certificirano 17, a u procesu se nalazi trenutno preko 55 lokalnih samouprava.

NALED je uz pomoć Njemačkog društva za međunarodnu suradnju - GIZ i finansijsku podršku Otvorenog regionalnog fonda za Jugoistočnu Europu – ORF, inicirao ideju regionalne certifikacije općina u četiri zemlje jugoistočne Europe - BiH, Srbiju, Makedoniju i Hrvatsku.

Sušтина projekta da se podigne konkurentnost i prepoznatljivost regije, koji kao takav može biti interesantan investitorima, te da se standardiziraju procedure, informacije i usluge koje općine trebaju pružiti investitorima.

Izabrane općine su dužne u roku od 18 mjeseci ispuniti 12 kriterija koji su vrlo detaljno razrađeni i koji idu od sistema izdavanja građevinskih dozvola, kvaliteta i dostupnosti informacija, adekvatne infrastrukture i pouzdanih komunalnih usluga, partnerstva sa privatnim sektorom, transparentne porezne politike i politike naplate taksi, sposobnosti da upravlja kreditnim potencijalom.

Verifikacijsko tijelo izdaje certifikat koje je sastavljeno od strane nadležnih ministarstava, gospodarstvenika, regionalnih partnera i certifikat će imati regionalnu vrijednost. Ovaj proces paralelno teče u RS-u i Federaciji Bosne i Hercegovine. U RS-u glavni partner je Ministarstvo za ekonomske odnose i regionalnu suradnju, a u Federaciji Bosne i Hercegovine Ministarstvo razvoja, poduzetništva i obrta.

Nakon završetka projekta, koji traje 18 mjeseci, općine bi, ukoliko ispune standarde, dobile prepoznatljiv certifikat kao općine sa pozitivnim poslovnim okruženjem. Certifikat se dobija ukoliko se pojedinačni kriteriji ispune sa najmanje 75%. Nakon isteka trogodišnjeg razdoblja, općine ponovo prolaze proceduru certifikacije, a kriteriji se konstantno nadograđuju.

Jedan o ciljeva je da se iskustva iz projekta prenesu i na ostale općine i da se uspostavi trajan sistem certificiranja općina.

OSCE U SARADNJI SA GRADOM SARAJEVOM OTVORIO PRVI AARHUS CENTAR U BIH



SARAJEVO, 30. maj/svibanj – Misija OSCE-a u Bosni i Hercegovini, u saradnji sa Gradom Sarajevom, otvorila je danas u okviru Međunarodnog centra za djecu i omladinu u Novom Sarajevu prvi Aarhus centar u Bosni i Hercegovini. Putem Aarhus centra promovirat će se razumijevanje i primjena Aarhuske konvencije, te saradnja između nadležnih vlasti, civilnog društva, pravosuđa, privatnog sektora, medija i šire javnosti povodom pitanja zaštite okoliša. Cilj je da se putem Aarhus Centra osigura kvalitetniji pristup informacijama o

okolišu, potaknu javne diskusije, te da se što više građana uključi u donošenje odluka u ovoj oblasti.

Gradonačelnik Sarajeva Alija Behmen, šef Misije OSCE-a u BiH ambasador Fletcher M. Burton i Goran Svilanović, koordinator OSCE-a za ekonomsko-okolišne aktivnosti otkrili su ploču Aarhus Centra Sarajevo i time ozvaničili početak njegovog rada, a potom je upriličena posjeta prostorijama Aarhus centra i upoznavanje sa volonterima. Gradonačelnik Sarajeva Alija Behmen i šef Misije OSCE-a u BiH ambasador Fletcher M. Burton potpisali su Memorandum o razumijevanju o otvaranju Aarhus Centra Sarajevo.



Sa otvaranja Aarhus centra

OPĆINA ILIDŽA UVODI STANDARD EN ISO 9001:2008

24. maj/svibanj – Općina Ilidža pokrenula je aktivnosti na izradi certificiranja integriranog sistema upravljanja kvalitetom, prema zahtjevima standarda EN ISO 9001:2008 i Sistema okolinskog upravljanja.

Projekt se realizira po principu zajedničkog rada projektnog tima Općine i konsultanta, a osnovni cilj zajedničkog rada je osigurati efikasniji rad organa uprave i kvalitetnije pružanje usluga građanima.

Uvođenjem ovog standarda Općina Ilidža će biti efikasniji servis u službi građana, čime će i kvalitet pruženih usluga u potpunosti ispuniti zahtjeve i očekivane potrebe svih korisnika.

Uvođenjem standarda koji se očekuje sredinom septembra, poboljšat će se politika kvaliteta u Općini da svi zaposleni rade: zakonito i odgovorno, ljubazno i nepristrasno, stručno, efikasno i kreativno, te inovativno, a svakako uz poštivanje osnovnih ljudskih prava i sloboda, uz stalno ispunjavanje potreba svih korisnika u skladu s najvišim svjetskim standardima, saopćeno je iz Odsjeka za informiranje Općine Ilidža.

Uvođenjem ovog standarda Općina Ilidža će biti efikasniji servis u službi građana, čime će i kvalitet pruženih usluga u potpunosti ispuniti zahtjeve i očekivane potrebe svih korisnika.

ILIDŽA PREZENTRALA REZULTATE OSTVARENE U SARADNJI SA GAP-om

U Općini Ilidža 25. maja/svibnja 2012. godine prezentovani su rezultati ostvareni u saradnji sa Projektom upravne odgovornosti (GAP) u periodu 2008–2012. godina, sa posebnim osvrtom na projekat „Elektronsko izdavanje dozvola“ implementiran kroz Općinski akcioni plan (MAP).

Načelnik Općine Ilidža Senaid Memić naveo je da je GAP za Bosnu i Hercegovinu imao za cilj izgraditi kapacitete u kritičnoj masi općina da bolje služe svojim građanima unutar političkog i fiskalnog okvira dobre uprave.

Općina Ilidža, kao partner GAP-a doba je usmjerenu tehničku pomoć naročito u: poboljšanju pružanja usluga korisnicima kroz sistem administrativnog upravljanja uključujući uspostavu centara za pružanje usluga građanima, uvećanju stepena transparentnosti i protoka informacija kako unutar odjeljenja lokalne uprave tako i prema građanima i privrednim subjektima, jačanju općinske kontrole nad prihodima i rashodima i poboljšanju kvalitete u upravljanju ljudskim resursima.

U protekle četiri godine, u saradnji sa GAP-om realizirana je uspostava dva najmodernija centra, i to Centra za pružanje usluga građanima i Centra za izdavanje urbanističkih i građevinskih dozvola.

Ukupna sredstva koja su uložena u ove aktivnosti, u čemu su donatori značajno učestvovali, iznose oko 855.000 maraka, rekao je između ostalog načelnik Općine Ilidža Senaid Memić.

Predstavnici Općine prezentovali su donatorima, predstavnicima USAID-a, Side i EKN „Elektronsko izdavanje dozvola i to „Nova znanja i razvoj općinskog Geo-informacionog sistema – Tehnički aspekti, Prepreke općinskom razvoju i mogućnosti njihovog prevazilaženja – Zakonska regulativa i pravni aspekti, Planovi daljnjih unaprijeđenja u oblasti prostornog planiranja Općine Ilidža. Nakon uspješno završene prezentacije predstavnici donatora i GAP-a su iskazali zadovoljstvo uspješno realiziranim projektima, odličnim mjerljivim rezultatima i pohvalili cijeli tim općine.



Sa prezentacije rezultata saradnje sa GAP-om



Grb Općine Ilidža



Grb Općine Novo Sarajevo

TREĆA GODINA PROVOĐENJA PROJEKTA STERILIZACIJE I KASTRACIJE PASA LUTALICA NA PODRUČJU OPĆINE NOVO SARAJEVO

04. juni/lipanj – Načelnik Općine Novo Sarajevo Nedžad Koldžo i direktor JP "Veterinarska stanica" KS dr. Nedim Brdarić danas su u zgradi Općine Novo Sarajevo potpisali Ugovor o nastavku provođenja projekta kastracije i sterilizacije pasa lutalica na području općine Novo Sarajevo. Kao i prethodnih godina, ovim Ugovorom se reguliše način hvatanja i vraćanja pasa lutalica na prvobitno stanište, što je preduslov za realizaciju ovog projekta, s obzirom na nepostojanje Zakonom predviđenog higijenskog servisa.

Načelnik Općine Novo Sarajevo Nedžad Koldžo istakao je kako je ovo treća godina realizacije projekta kastracije i sterilizacije pasa lutalica sa područja Novog Sarajeva, kojeg Općina realizuje u saradnji sa JP "Veterinarska stanica" KS, a prošle godine u projekat je uključen i Veterinarski fakultet Sarajevo, kao član štaba Civilne zaštite Općine Novo Sarajevo.

Prije dvije godine Općina Novo Sarajevo je kao prva Općina u BiH poduzela sistematske mjere na smanjenju broja napuštenih pasa projektom sterilizacije i kastracije. Samo prošle godine na području Novog Sarajeva tretirano je oko 300 pasa, dok je ove godine planiran tretman za oko 350 do 400 pasa lutalica, istakao je načelnik Koldžo.

Direktor JP "Veterinarska stanica" KS dr. Nedim Brdarić zahvalio se Općini Novo Sarajevo što je prva prepoznala ozbiljnost problema, te značaj realizacije ovog projekta, jer danas se projekat kastracije i sterilizacije pasa lutalica realizuje i u općinama Centar i Novi Grad. Dr. Brdarić je najavio već tradicionalno organizovanje sedmice besplatne kastracije životinja u julu ove godine, koje Veterinarska stanica KS realizuje u saradnji sa austrijskom nevladinom organizacijom.

Današnjem potpisivanju Ugovora prisustvovala je i Amela Turalić rukovodilac prihvatilišta za pse u Prači, koja je prisutne informisala da je trenutno prihvatilište popunjeno 80%, odnosno da se u prihvatilištu nalazi 390 pasa od čega su 52 psa sa područja općine Novo Sarajevo. Turalić je također, najavila proširivanje kapaciteta prihvatilišta u Prači krajem ljeta ove godine, a planirano je da će moći primiti do 800 napuštenih životinja.

Općina Novo Sarajevo je za projekat sterilizacije i kastracije pasa lutalica za 2012. godinu obezbijedila sredstva u iznosu od 35.000 KM, odnosno 20.000 KM za Veterinarski fakultet Sarajevo, te 15.000 KM za JP "Veterinarska stanica" KS, navodi se na web stranici Općine Novo Sarajevo.



KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Vrijednost projekta je
40.000,00 KM, a rok za
implementaciju ugovora je
31.12.2012. godine

POTPISAN UGOVOR ZA IZRADU BAZE PODATAKA KATASTRA NEKRETNOSTI OPĆINE BUŽIM



Općine Bužim.

Ugovor su potpisali Željko Obradović, direktor Federalne uprave za geodetske i imovinsko-pravne poslove Sarajevo i Mirsad Šahinović načelnik Općine Bužim. Vrijednost projekta je 40.000,00 KM, a rok za implementaciju ugovora je 31.12.2012. godine. U zajedničkom ulaganju polovinu sredstava od 20.000,00 KM obezbijedila je Federalna uprava za geodetske i imovinsko-pravne poslove, a drugu polovinu je obezbijedila Općina Bužim. Sa ovim projektom Općina Bužim ulazi u proces vektorizacije koji će omogućiti lakši i brži način izdavanja građevinskih dozvola kao važne usluge građanima.

25. maj/svibanj – U Sarajevu je potpisan ugovor o zajedničkom finansiranju izrade baze podataka katastra nekretnosti za područje



Grb Općine Bužim


Savez / Zajedno za uređenu i razvijenu lokalnu samoupravu

U CAZINU POČINJE IZGRADNJA KANALIZACIONOG SISTEMA

07. juni/lipanj – Zvanično je projekat izgradnje glavnog kanalizacionog sistema općine Cazin počeo današnjim sastankom između načelnika općine Cazin, gospodina Nermina Ogrješevića, nosioca izrade studije izvodljivosti projekta: konsultantima kompanije Holinger iz Švicarske te njihovim lokalnim partnerima Una Consultingom iz Bihaća i Enovom iz Sarajeva, navodi se na web stranici Općine Cazin.

Odabir konsultanata vršila je Evropska banka za obnovu i razvoj EBRD preko koje će se implementirati bespovratna sredstva Investicijskog okvira za zapadni Balkan (Western Balkans Investment Framework – “WBIF”) koja su dodijeljena općini Cazin u iznosu od 700.000,00 eura. Sredstvima WBIF finansiraće se Studija izvodljivosti u vrijednosti od 300.000,00 eura te Priprema glavnog (izvedbenog) projekta za tendersku dokumentaciju za prioritete komponente koje su predložene Studijom izvodljivosti (do 400.000,00 eura).

Rok za izradu studije izvodljivosti je 3 mjeseca i ista je potrebna da bi EBRD i drugi donatori utvrdili izvodljivost Projekta s tehničkog, finansijskog, okolišnog i socijalnog aspekta i potvrdili njegovu podobnost za finansiranje sredstvima iz granta, nakon čega je izvjesno i potpisivanje sporazuma sa finansijerima i donatorima te početak izgradnje glavnog kanalizacionog sistema. Prethodne godine je na osnovu aplikacije Općine Cazin, Vlada Holandije odobrila sufinansiranje Projekta grantom iz svog ORIO programa u iznosu od 3,5 miliona eura. Također, interes za sufinansiranje Projekta grantom u iznosu od oko 2 miliona eura je iskazala i Švedska agencija za međunarodni razvoj (Swedish International Development Cooperation – “SIDA”), a u toku su i razgovori s Delegacijom Evropske unije (EU) u Sarajevu za dodatni grant za sufinansiranje u iznosu od 2 miliona eura iz sredstava državnog IPA programa (Instrument for Pre-Accession Assistance – Instrument predpristupne pomoći).




Grb Općine Cazin



Sastanak učesnika u projektu

BICIKLIJADA DOLINOM NACIONALNOG PARKA UNA



BIHAĆ, 4. juni/lipanj – I ove je godine Rekreativni biciklistički klub „Japod“ iz Bihaća uz podršku direkcije “NP Una” i Općine Bihać, organizirao 3. međunarodnu biciklijadu pod nazivom “Nacionalni park Una 2012”, navodi se na web stranici Općine Bihać.

Po lijepom vremenu više od 300 biciklista iz Hrvatske, Srbije i Bosne i Hercegovine vozilo je obalama rijeke Une. Kako su zamislili RBK „Japodi“, a što je dobilo bezrezervnu podršku svih uključenih u ovaj događaj, programom biciklijade “Nacionalni

park Una 2012.” je predviđeno povezivanje nacionalnih parkova Plitvička jezera i Una.

Ove godine trasa biciklijade je išla nešto izmijenjenom rutom i s polaskom u 10:00 sati s Gradskog trga, prema Golubiću- Ripačkim otocima-Gorjercu-Štrbačkom buku-Čelijima-Orašcu-Dulibama-Bihaću.

Posebno je zanimljivo spomenuti da su ove godine sudjelovala i dva bračna para iz Sinja i Bihaća, a riječ je o Ivici i Ariani Kardas iz Sinja, te Jasni i Ekremu Zukiću iz Bihaća.

Prije polaska, svim učesnicima su se obratili općinski načelnik Albin Muslić, poželivši svim učesnicima da svojom promotivnom vožnjom pošalju još jednu afirmativnu poruku iz Bihaća, zatim Amarildo Mulić, direktor “NP Una”, kao i Franjo Jurić, savjetnik premijera Hamdije Lipovače, koji je u ime Vlade USK poželio učesnicima ugodnu vožnju i lijep provod na obalama Une.



NAJAVA OBILJEŽAVANJA DANA OPĆINA I BITNIH DATUMA ZA SAVEZ

- 12. juni/lipanj - Osnovana Zajednica opština i gradova SRBiH.** Dana 12.06.1972. godine u Zenici formirana je Zajednica opština i gradova SRBiH sa ciljem unapređenja i razvoja sistema lokalne samouprave, međuopćinske i međunarodne saradnje.
- 02. juni/lipanj - Dan Općine Gračanica.** Na ovaj datum 1429. godine nastao je najstariji pisani dokument o historijskom razvoju gračaničkog kraja u kojem se spominje srednjovjekovni grad Soko, za kojeg se vezuje ime Gračanice. Naime, riječ je o ženidbenom ugovoru između kneza Radivoja i Nikole Veličkog iz 1429. godine, u kojem se Knez Radivoje sklapajući brak sa Katarinom, kćerkom slavonskog feudalca Nikole od Velike (mjesto blizu Slavonske Požege), 2. juna 1429. godine, u Budimu, obavezao da će tastu i punici Margariti, pored ostalog, pokloniti polovinu Sokola i dio svojih imanja u Bosni i Slavoniji.



Gračanica

**Savez općina i gradova Federacije
Bosne i Hercegovine**

Musala 5/1
71 000 Sarajevo

Phone: ++387 33 216 502, 209 024, 209 120

Fax: ++387 33 552 810, 552 811

E-mail: dino@sogfbih.ba

Nadite nas na facebook-u



POSJETITE NAS NA WEB-U

WWW.SOGFBIH.BA

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba


Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

NAJAVA OBILJEŽAVANJA DANA OPĆINA I BITNIH DATUMA ZA SAVEZ

- **08. juni/lipanj - Dan Općine Novi Grad Sarajevo.** Ovaj datum predstavlja historijski značajan događaj za opstanak, život i blagostanje njenih građana. Na ovaj dan 1992. godine oslobođen je strateški važan lokalitet brda Žuč čime je zaustavljeno krvavo sijanje smrti i spriječen prodor agresora u grad.
- **14. juni/lipanj - Dan Općine Novi Travnik.** Na taj dan 1949. godine Josip Broz Tito, kao predsjednik Vlade Federativne Narodne Republike Jugoslavije i ministar narodne obrane, potpisao je Rješenje o osnivanju poduzeća «Bratstvo» na poljima sela Kasapovići, današnji Novi Travnik. Uporedo sa izgradnjom tvornice krenulo se i sa izgradnjom prvih stambenih zgrada, što je s vremenom izraslo u grad.
- **16. juni/lipanj - Dan Općine Konjic.** Ovaj dan je značajan za Konjic jer predstavlja sjećanje na prvo pisano spominjanje imena Konjic iz 1382. godine.
- **19. juni/lipanj - Dan Općine Živinice.** Toga dana 1959. godine odlukom Narodne skupštine NR BiH Živinice dobijaju status općine.
- **21. juni/lipanj - Dan Općine Srebrenik.**
- **24. juni/lipanj - Dan Općine Vogošća.** Za spomenuti datum se vežu dva bitna događaja iz 1953. godine, kada je Općina Vogošća prvi put u historiji uspostavljena kao institucija odnosno jedinica lokalne samouprave, i 1992. godine, tokom odbrambeno-oslobodilačkog rata kada su formirani "Vogošćanski odredi" u Vogošći.



Novi Grad Sarajevo



Novi Travnik



Konjic



Vogošća



Srebrenik



Živinice

Savez / Zajedno za uređenu i razvijenu lokalnu samoupravu